

盡則色濁而味重受煙則香奪壓黃則味失此皆茶之病也

受煙調過黃時火中有煙使茶香盡而煙臭不去也壓去膏之時久留茶黃未造使黃經宿香味俱失矣然氣如假雜卵臭也

右東溪試茶錄一卷皇朝朱子安集拾丁蔡之遺東溪亦建安地名其序謂七閩至國朝草木之異則產臘茶荔子人物之秀則產狀頭宰相皆前代所未有以時而顯可謂美矣然其草木味厚難多食人物多智難獨任亦

宣和北苑之異在公武題

宋建陽熊蕃叔茂著

陸羽茶經裴文茶述皆不第建品說者謂二子未嘗至閩而不知物之發也固自有時蓋昔者山川尚闕靈芽未露至於唐猶然北苑後出為之最是時魏蜀辭臣毛天錫作茶譜亦第言建冇紫笋而臘面乃產於福五代之季建屬南唐歲率諸縣民采茶北苑初造研膏繼造臘面既造製其佳者號曰京銚聖朝開寶未下南唐太

平興國初特置龍鳳模遣使卽北苑造團茶而
龍鳳茶蓋始於此又一種茶叢生石崖枝葉尤
茂至道初有詔造之別號石郭又一種號藜郭
又一種號白乳蓋自龍鳳與京石的白四種詔
出而臘面降爲下矣蓋龍鳳等茶皆太宗朝所
製至咸平初丁晉公漕閩始載之於茶錄慶曆
中蔡君謨將漕創小龍團以進被旨乃歲貢之
自小團出而龍鳳遂爲次矣元豐閒有旨造密
爲不可得偶然生出非人力可致於是白茶遂
爲第一旣又製三色細芽及試新銙貢新銙自
三色細芽出而瑞雲祥龍顧居下矣凡茶芽數
品最上曰小芽如雀舌鷹爪以其勁直纖銳故
號芽茶次日中芽乃一芽帶一葉者號一鎗一
旗次日中芽乃一芽帶兩葉者號一鎗兩旗帶
三葉四葉皆漸老矣芽茶早春極小景德中建
寧周絳爲茶經言茶芽只作草茶馳奉萬乘嘗

之可以如一鎗一旗可謂奇茶也故一鎗一旗
號揀芽最爲奇特先正舒玉送人官閩中詩云
新茗齋中試一旗謂揀芽也或者乃謂茶芽未
展爲鎗已展爲旗指舒玉此詩爲誤蓋不知有
所謂揀芽也夫揀芽猶貴如此而况茶芽以供
天子所新嘗者乎芽茶絕矣至於水芽則曠古
未之聞也宣和庚子歲漕臣鄭公可簡始創爲
銀線水芽蓋將已揀熟再剔去只取其心一縷
用珍器貯清泉漬之光明瑩潔若銀線然以
白的石三郭昇造化鎊二十餘色初貢茶皆入
龍腦至是慮奪真味始不用焉蓋茶之妙至勝
雪極矣故合爲首冠然猶在白茶之次者以白
茶上所號也異時郡人黃儒撰品茶要錄極稱
當時靈芽之富謂使陸羽數子見之必爽然自
失蕃亦謂使黃君而閱今日則前乎此者未足
詫焉然龍焙初興貢數殊少累增至于元符以
片計者一萬八千視昔已加數倍而猶未盛今

則為四萬七千一百片有奇矣此數見范達所著龍焙美成茶

錄達茶宮也自白茶勝雪以次厥名實繁今列于左

使好事者得觀焉

貢新鈔大觀二年造 試新鈔政和二年造

白茶政和二年造 龍團勝雪宣和二年造

御苑玉芽大觀二年造 萬壽龍芽大觀二年造

上林第一宣和二年造 乙夜供清宣和二年造

承芳雅玩宣和二年造 龍鳳英華宣和二年造

玉華宣和三年造 寸金宣和三年造

蜀葵宣和三年造 金錢宣和三年造

無比壽芽大觀四年造 萬春銀葉宣和二年造

宜年寶玉宣和二年造 玉清慶雲宣和二年造

無疆壽龍宣和二年造 玉葉長春宣和四年造

瑞雲祥龍紹聖二年造 長壽玉圭政和二年造

興國岩鈔 香口焙鈔

上品棟芽紹聖二年造 新收棟芽

上品棟芽紹聖二年造

太平嘉瑞

政和二年造

龍苑報春

宣和四年造

南山應瑞

宣和四年造

興國岩揀芽

興國岩小龍

興國岩小鳳

已上號細色

揀芽

小龍

小鳳

大龍

大鳳

以上號鑊色

又有瓊林毓粹浴雪呈祥壑源供季貴篚推先
價倍南金賜谷先春壽岩却勝延平石乳清白

可鑿風韻甚高凡十色皆宣和二年所製越五

右茶歲貢十餘綱惟白茶與勝雪白驚蟄前與
役浹日乃成飛騎疾馳不出中春已至京師號
為頭綱玉芽以下即先役以次發逮貢足時夏
過半矣歐陽文忠公詩曰建安三千五百里京
師三月嘗新茶蓋異時如此以今較昔又為最
早因念草木之微有環竒卓異亦必逢時而後
出而况為士者哉昔昌黎先生感二鳥之蒙采
擢而自悼其不如今蕃於是茶也焉敢效昌黎

之自警惟堅其守以待時而已

貢新鈔 竹圈 方一寸二分

試新鈔 竹圈 方一寸二分

龍團勝雪 銀圈 徑一寸五分

萬壽龍芽 銀圈 徑一寸五分

御苑玉芽 銀圈 徑一寸五分

白茶 銀圈 徑一寸五分

上林第一 竹圈 方一寸二分

九夜精琪 竹圈 方一寸二分

龍鳳英華 竹圈 方一寸二分

玉除清賞 竹圈 方一寸二分

啓沃承恩 竹圈 方一寸二分

雪英 銀模 橫長一寸五分

雲葉 銀模 橫長一寸五分

蜀葵 銀模 徑一寸五分

金錢 銀模 徑一寸五分

玉華 銀模 橫長一寸五分 方一寸二分

無比壽芽

銀模竹圈

橫長一寸五分
方一寸二分

萬春銀葉

銀模

西尖徑二寸二分

宜春寶玉

銀模銀圈

直長三寸

玉清慶雲

銀模銀圈

方一寸八分

無疆壽龍

銀模竹圈

直長三寸

玉夜長春

竹圈

直長一寸六分

瑞雲祥龍

銀模銅圈

徑長一寸五分

長壽玉圭

銀模

直長三寸

興國

竹圈

方一寸二分

上品棟芽

銀模銅圈

徑二寸五分

龍苑報春

銀圈

徑寸七分

太平嘉瑞

銀圈

徑二寸五分

新收棟芽

銀圈

徑二寸五分

南山應瑞

銀圈銀模

方一寸八分

興國岩棟芽

銀模

徑三寸

小龍

銀模銅圈

徑四寸五分

小鳳

銀模銅圈

徑四寸五分

大龍

銀模
銅圈

大鳳

銀模
銅圈

宣和北苑 其茶錄後序

先人作茶錄當貢品極盛之時凡有四十餘色
 紹興戊寅歲克攝事北苑閱近所貢皆仍舊其
 先後之序亦同惟躋龍團勝雪于白茶之上及
 無興國若小龍小鳳蓋建炎南渡有旨罷貢三
 之一而省去之也先人但著其名號克今更寫
 其形製庶覽者無遺恨焉先是任子春漕司再
 緝茶政越十三載乃復舊額且用政和故事補
 種茶二萬株

政和間曾種三萬株

次年益虔貢職遂有創

忠

北苑貢茶金
增之者仍改京銜為大龍團由是大龍多于大
鳳之數凡此皆近事或者猶未知之也三月初
吉男克北苑寓舍書

北苑貢茶最盛然前輩所錄止於慶曆以上自
元豐之密雲龍紹聖之瑞雲龍相繼挺出製精
于舊而未有好事者記焉但見於詩人句中及
大觀以來增創新銜亦猶用揀芽蓋水芽至宣
和始有顧龍團勝雪與白茶角立歲充首貢復
自御苑下採以在厥名實繁先子親見時事悉
此書庶幾補其闕云

淳熙九年冬十二月四日朝散郎行秘書郎兼
國史編修官權直學士院熊克謹記

熊蕃字叔茂建陽人唐建州刺史博九世孫
善屬文長於吟咏不復應舉築堂名獨善號
獨善先生嘗著茶錄釐別品第高下最為精
當又有製茶十咏及文稿三卷行世徐燠書